

MORIS HO FIAR

A person is kneeling in a field of tall grass, facing away from the camera with hands clasped in prayer. The sun is rising in the background, creating a hazy atmosphere with rays of light. In the foreground, an open Bible lies on the grass. The overall scene is peaceful and spiritual.

Lisaun da8 ba 23 Maiu 2026



“Agora, fiar
mak laran metin
ba buat sira
ne'ebe ita
espera atu
simu, no hatudu
realidade kona
ba buat sira
ne'ebe ita la
hare”

(Hebrews 11:1, NLT)

Konhesementu kona ba Maromak, estuda Biblia, no orasaun tenke iha elementu komun ida atu bele sai elementu transformador iha ita nia moris: **fiar**.

Se laiha **fiar**, elementu sira ne'e sai hanesan elementu deit ka ritual sira ne'ebe laiha signifikadu.

Maibe ho **fiar**, sira sei sai elementu ne'ebe forsa ne'ebe sei lori ita ba esperensia foho tutun espiritual: "buat hotu-hotu iha possibilidade ba nia ne'ebe **fiar**" (Markus 9:23).



Tipu diferente **fiar**:

- ➡ **Fiar no sinal sira**
- ➡ **Sasukat **fiar** nian**
- ➡ **Fiar no sentimentu**

Saida mak **fiar**?

- ➡ **Definisaun no dezentvolvimentu **fiar** nian**
- ➡ **Jezus Kristu nia **fiar****

TIPU DIFERENTE FIAR

FIAR NO SINAL SIRA


“ ‘Jesus dehan ba nia, “se karik imi la hare sinal no milagre sira, imi sei la fiar. (Joao 4:48)

Sinal mak marka distintivu ka demonstrasaun ne'ebe fo atu konfirma mensajen ne'ebe inspiradu ka atu apoia autoridade divina. Maski sinal ida jeralmente komprende hanesan eventu milagre ida hanesan kazamentu iha Kana (Joao 2:11) faktu katak Israel halo akampamentu iha Sinai nia oin atu adora Maromak, mos fo nudar sinal ida (Exodu 3:12).

Farizeu sira husu ba Jesus atu hatudu ba sira sinal ruma ne'ebe bele prova katak Nia mak Mesias, atu sira bele fiar iha Nia (Markus 8:11).

Jesus sai hirus tamba sira husu sinal ida atu justifika sira nia fiar ne'ebe menus (Markus 8:12). Bainhira ema ida lakohi fiar, la iha sinal ida mak bele konvense sira.

Maromak fo ona mai ita evidensia ne'ebe suficiente iha Ninia Liafuan no iha natureza atu nune'e se deit mak hakarak fiar bele fiar. Maibe, sempre iha fatin ba duvida. Tamba ne'e mak Jesus fo bensaun espesial ba “sira ne'ebe la haree maibe fiar” (Joao 20:29).




SASUKAT FIAR NIAN

“Nai dehan, “se imi iha fiar hanesan mostarda musan ida, imi bele dehan ba ai figeira boot ne’e, fokit aan ba, no kuda fali iha tasi laran, no nia sei halo tuir” (Lukas 17:6)

Sasukat fiar ne’ebe la hanesan :



Apostlu sira nia fiar



“Tamba sa imi laiha fiar?”
(Markus 4:40)

Petrus nia fiar



“O ne’ebe iha fiar kiik oan!”
(Matius. 14:31)

Aman nia fiar



“Mai tulun hau nia fiar kiik”
(Markus 9:24)

Feto Kanaan nia fiar



“Imi nia fiar boot tebes”
(Matius 15:28)

Senturiaun nia Fiar



“Hau seidauk hetan fiar boot hanesan ne’e iha Izraél”
(Lukas 7:9)

Estefanus nia fiar



“ema ne’ebe nakonu ho fiar”
(Apostlu sira nia hahalok 6:5)

Klaru katak fiar bele buras bainhira abut sira husi la fiar nian hasai tiha. Konviksaun tenke troka neneik duvida. Ita nia pedidu tenke: “Haburas ita nia fiar” (Lukas. 17,5).

Liu husi obra Espiritu Santu nian, estuda Biblia, no ita nia esperiensa ho Maromak, ita sei bele observa katak “ita nia fiar sai boot liutan” (2 Tes. 1:3).



FIAR NO SENTIMENTU

"Tamba liu husi grasa mak ita hetan salvasaun, ne'ebe mai liu husi fiar. No ida ne'e la mai husi ita rasik, maibe ida ne'e mak prezenti husi Maromak ." (Efesus 2:8)

Fiar ne'e nudar sentimentu ida, ka aktu rasional?

Resposta ba pergunta ida ne'e importante. La hanesan atu dehan "HAU SENTE salvadu" ho dehan "HAU HATENE katak hau hetan ona salvasaun."

Maibe mai ita hahu husi inisiu. Fiar nia orijen mak saida? Fiar mai husi Maromak no Nia haraik mai ita nudar prezente (Rom. 12:3; Ef. 2:8).

Bainhira ita hatan ho pozitivu ba prezente ida ne'e, bainhira ita hahu ezerse fiar, fiar ne'e hamosu iha ita sentimentu sira hanesan ksolok, trankuilidade, sentidu ida aliviu espiritual nian, ...


Maibe fiar ne'e rasik laos sentimentu ida, ne'e "serteza" no "konviksaun" (Ebreu 11:1). Ida ne'e laos buat ida ne'ebe depende ba ita nia klima. Bainhira hau sente fraku, ka sente katak hau nia salvasaun sei dook, iha momentu ne'eba mak hau tenke ezerse fiar ne'ebe makas loos.



The background features several colored pencils in shades of red, purple, green, and yellow, arranged diagonally. A white rectangular box is centered horizontally, containing the text 'SAIDA MAK FIAR?' in a bold, purple, sans-serif font with a thin white outline.

SAIDA MAK FIAR?

DEFINISAUN NO DEZENVOLVIMENTU FIAR NIAN



Ebreu 11:1, 3, no 6 fo mai ita definisaun luan ida kona ba fiar. Fiar iha buat barak atu halo ho ita nia konseitu kona ba Maromak. Ida ne'e lori ita atu fiar iha Nia nudar Kriador no Rekompensador.

Restu husi kapitlu ida ne'e, Paulo foti esperensia fiar husi mane no feto barak ne'ebe sai nudar ezemplu no enkorajamentu mai ita, atu ita labele laran susar wainhira ita hein ita nia kolen sira.

Hanesan ita haree ona, laos ema hotu iha nivel fiar ne'ebe hanesan. Oinsa hau bele dezenvolve komprensaun ida kona ba oinsa hau nia fiar uitoan ka barak?

**"Tan ne'e, fiar mak ita fiar metin ba buat ne'ebe ita hein, fiar metin ba buat ne'ebe ita la haree.."
(Ebreu 11:1)**



Atu ezerse fiar, maski ida ne'e ki'ik.



**Husu ba Maromak atu aumenta tan
(Lk. 17:5)**



**Keta bazeia hau nia fiar ba ema seluk nia fiar
(Mt. 25:8)**



**Estuda Biblia
(Rom. 10:17)**



**Keta monu ba duvida
(Markus 9:23-24)**



**Hatan ba Espiritu Santu
(Gal. 5:22)**



**Atu pratika hau nia fiar ho toman
(2 Kor. 5:7)**



Jezus Kristu nia fiar


"Ne'e mak liafuan ne'ebe bolu santu sira atu hatudu paiensia no halo tuir Maromak nia ukunfuan sira no kaer metin ba fiar iha Jezus" Apokalipse 14:12

Fiar nain sira ne'ebe moris besik Jezus nia fila-fali distinge ho buat rua ne'ebe ita tenke "mantein" (katak, obedese ka kumpre): ukunfuan sira no Jezus nia fiar (Apok. 14,12).

Ukunfuan no Evanjellu (fiar) la'o hamutuk. Ema ida labele halo tuir laho fiar, no mos labele fiar laho obedese. Maibe "Jezus nia fiar" signifika saida?



Sai obidiente ba Jezus ho nia liafuan sira



Presiza iha esperensia ho Jezus kada loron



Halo Jezus sai sentru iha ita nia moris lor-loron



Atu moris tuir ita nia fiar



Atu bazeia ita nia fiar ba Jezus



Reflète Jezus iha ita nia moris



Simu prezente husi Ninia grasa



Hodi iha fiar ba Jezus, ita hetan justifikasaun (Roma 5:1), santifikadu (Apostlu sira nia hahalok 26:18), no sai Maromak nia oan sira (Joao 1:12).

"Entaun fiar iha Nai Jezus atu orienta ita boot tuir dalam loos liu husi pasu ba pasu. Ita boot bele hetan konfiansa no forsa ho hakat ida-idak, tanba ita boot bele iha serteza katak ita boot nia liman iha Ninian. Ita boot bele "halai no la kole," ita boot bele "lao no la kole," tanba ita boot bele haree ho fiar katak ita boot nia liman iha Kristu nian. Ita boot sei la mout iha laran, tun iha dezkorajamentu tanba ita boot kontinua fiar iha Nai, hodi hatene, iha Nai, o sei iha garantia katak Nia ne'ebe nunka abandona sira ne'ebe fiar tomak iha Nia mak o nia Tulun nain be-beik."

EGW (Our Father Cares, October 27)